



МИЛЛИЙ ТИКЛАНИШ

37 (254) ● 2013 йил 25 сентябрь, чоршанба ● Ўзбекистон "Миллий тикланиш" демократик партиясининг ижтимоий-сиёсий газетаси
 ЎзМТДП — www.mt.uz Тахририят — www.milliytiklanish.uz 2008 йил 30 октябрдан чиқа бошлаган

ЎзМТДП ва оммавий ахборот воситалари ҳамкорлигини янада мустаҳкамлаш партия фаолияти тарғиботида алоҳида ўрин тутди



Оилавий тадбиркорлик билан шуғулланиш оилалар даромадини ошириш, аҳоли бандлигини таъминлаш ҳамда соғлом маънавий муҳитнинг бардавом бўлишида муҳим аҳамият касб этади



Ўзбекистон ўзининг бой тарихий-маданий мероси, меъморий обидалари, замонавий шаҳарлари билан халқаро сайёҳлик бозорига алоҳида мавқега эга



3 ПАРТИЯ ҲАЁТИ

4 ЎзМТДП ДАСТУРИ — АМАЛДА

6 ЖАРАЁН

Хабарлар

Марказий шифохона янги бинода

Юртимизда соғлиқни сақлаш тизимида амалга оширилаётган ислохотларни даволаш-профилактика муассасаларидаги қурилиш-таъмирлаш ишларисиз тасаввур қилиб бўлмайди.

Жорий йилда бу борада Самарқанд вилоятида белгиланган дастур асосида қатор ишлар амалга оширилиб, соғлиқни сақлаш тизимидаги кўпгина муассасаларда қурилиш-таъмирлаш ишлари олиб борилди. Жумладан, Пахтачи тумани марказий шифохонаси ходимлари янги бинода иш бошлашди. Мазкур шифохона биноси инвестиция дастури асосида 4 миллиард 35 миллион сум маблағ эвазига реконструкция қилиниб, ўзгача кўринишга эга бўлди. Шифохонанинг қурилиш-таъмирлаш ишлари "Зарафшон нур" қурилиш ташиклоти томонидан бажарилди.

Ўзбекистоннинг сайёҳлик салоҳияти

Франция пойтахти Париж шаҳрида "IFTM Top Resa - 2013" халқаро сайёҳлик кўргазмаси бошланди.

Мамлакатимизнинг туристик салоҳияти кенг намоён этилаётган ушбу кўргазмада қадимий обидаларимиз, бой маданиятимиз, муқаддас зиёратгоҳлар, ҳушманзара табиат ва файзли гушаларимиз намоён этилапти. Лойиҳа доирасида Буюк Британия, Венгрия, Италия, Испания, Нидерландия, Сингапур, Франция, Хитой, Япония каби кўплаб мамлакатларнинг икки юздан зиёд сайёҳлик компаниялари билан фаол ҳамкорлик қилиниши кутилмоқда. "IFTM Top Resa" дунёдаги энг йирик ва нуфузли халқаро кўргазмалардан бири бўлиб, 1978 йилдан буён ўтказиб келинади. Бу йилги кўргазмада бир юз эллидан ортиқ мамлакатдан ўн мингдан зиёд сайёҳлик фирма ва компанияси вакиллари, соҳа мутахассислари ва экспертлар иштирок этмоқда.

Тайёргарлик қизгин

Сирдарё вилояти таълим муассасаларида куз-қиш мавсумига тайёргарлик ниҳоясига етказилмоқда.

Президентимизнинг республика иқтисодиёти тармоқларини 2013-2014 йиллар куз-қиш даврида барқарор ишлашга тайёрлашни таъминлаш чора-тадбирлари оид қарори ижроси юзасидан вилоятда кенг кўламли ишлар амалга ошириляпти. Вилоятдаги мактаблар ва мактабгача таълим муассасаларини куз-қиш мавсумига тайёрлаш ишларига 1 миллиард 582 миллион сум маблағ ажратилган. Ушбу маблағ ҳисобидан таълим муассасаларининг қарийб 2 минг квадрат метр шифер, 3 минг 900 квадрат метр ойналари янгиланди. Иситиш тизимларининг куз-қиш даврида барқарор ишлашни таъминлаш мақсадида 143 та янги иситиш қозонлари ўрнатилди.

Фракция ҳаёти



Давлат бюджетининг биринчи ярим йилликдаги ижроси

партия электорати манфаатларидан келиб чиққан ҳолда муҳокама қилинди

Ўзбекистон "Миллий тикланиш" демократик партиясининг Олий Мажлиси Қонунчилик палатасидаги фракцияси йиғилишида 2013 йилнинг биринчи ярим йилликда Ўзбекистон Республикаси Давлат бюджетининг ижроси муҳокама этилди. Унда фракция аъзолари, вазирлик ва идоралар вакиллари, мутахассислар, экспертлар ва оммавий ахборот воситалари иштирок этди.

Таъкидланганидек, давлатимиз раҳбари томонидан жорий йилнинг бошида Вазирлар Маҳкамаси мажлисида белгилаб берилган 2013 йилда мамлакатни ижтимоий-иқтисодий ривожлантириш дастурининг энг муҳим устувор йўналишларини амалга ошириш дои-

расида макроиқтисодий барқарорлик ва иқтисодий ўсишнинг юксак суръатлари таъминланган.

Мажлисида депутатлар партия дастурий мақсад ва вазифаларидан келиб чиққан ҳолда 2013 йилнинг биринчи ярим йилликда давлат бюджетининг ижро-

сини муҳокама этдилар. Фракция аъзоларининг фикрича, миллий иқтисодиётимиз сифатли ўсиш учун улкан салоҳиятга эга бўлиб, бунга рўйбга чиқаришда Ўзбекистоннинг халқаро меҳнат бўлинишидаги рақобатли афзалликларини ҳисобга олган ҳолда мамлакатимиз хўжалик комплексини янада диверсификация қилиш, маҳаллий товар ишлаб чиқарувчиларни самарали қўллаб-қувватлаш сиёсатини олиб бориш, Ўзбекистон манфаатларини кўзлаган ҳолда ташқи иқтисодий стратегияни амалга ошириш лозим.

2-бет

Муносабат

Маҳаллий дастурий таъминот воситалари ишлаб чиқарувчилар сафи янада кенгаяди

бу ЎзМТДПнинг сайловолди Платформасида белгиланган вазифаларни амалга оширишда айти мударра

"Ахборот асри" деб аталаётган бугунги даврда замонавий соҳалар ва ишлаб чиқариш тармоқларини ҳамда ахборот-коммуникация технологиялари тизимларини жадал суръатлар билан ривожлантириш давлат сиёсатининг устувор йўналишларидан бирига айланди. Бу борада, айниқса, экспорт қилинадиган маҳсулотлар таркибини ва умуман, ташқи савдо айланмасини янада диверсификация қилиш алоҳида ўрин тутди.

Муҳтарам Президентимиз томонидан илгари сурилган "Мамлакатимизда демократик ислохотларни янада чуқурлаштириш ва фуқаролик жамиятини ривожлантириш Концепцияси"да ҳам давлат ва жамият қурилиши тизимида ахборот-коммуникация технологияларини кенг қўллаш гоёси илгари сурилган эди. Ушбу вазифаларни муваффақиятли ҳал этишда маҳаллий дастурий маҳсулотлар индустриясини комплекс равишда ривожлантириш алоҳида аҳамият касб этади.

Бинобарин, ахборот-коммуникация технологиялари шиддат билан тараққий этиб бораётган бугунги глобаллашув

шароитида мазкур соҳанинг илғор ютуқларини барча тармоқ ва жабҳаларга кенг жорий этиш мамлакатимизнинг келтириш ва фуқаролик жамиятини ривожлантириш Концепциясида ҳам давлат ва жамият қурилиши тизимида ахборот-коммуникация технологияларини кенг қўллаш гоёси илгари сурилган эди. Ушбу вазифаларни муваффақиятли ҳал этишда маҳаллий дастурий маҳсулотлар индустриясини комплекс равишда ривожлантириш алоҳида аҳамият касб этади.

Бинобарин, ахборот-коммуникация технологиялари шиддат билан тараққий этиб бораётган бугунги глобаллашув

2-бет

Давра суҳбати

ЎзМТДП фаолияти тарғиботи

бунда ОАВ билан ҳамкорлик муҳим ўрин тутди. Тадбирда ҳафтанинг қар жума кун партия Дастури ва сайловолди Платформасини ўрганиш ва тарғиб қилиш куни деб белгиланди

Ўзбекистон "Миллий тикланиш" демократик партиясининг Марказий Кенгаши Ижроия Қўмитаси ташаббуси билан "ЎзМТДП фаолиятини оммавий ахборот воситаларида ёритишнинг долзарб вазифалари" мавзусида давра суҳбати ташкил этилди. Унда партия Марказий Кенгаши ва Олий Мажлиси Қонунчилик палатасидаги фракцияси аъзолари, Тошкент шаҳар ва вилоят Кенгаши Ижроия Қўмитаси девони ҳамда "Миллий тикланиш" газетаси ходимлари иштирок этди.

Давра суҳбатини кириш сўзи билан очган ЎзМТДП Марказий Кенгаши Ижроия Қўмитаси раиси Сарвар Отамуратов партиянинг оммавий ахборот воситалари билан ўзаро ҳамкорлик алоқаларига алоҳида эътибор қаратди:

— Партияимиз жамиятимизда амалга оширилаётган кенг кўламли ислохотлар жараёнида фаол иштирок этишга интилаётган сиёсий куч ҳисобланади. Партия фаолияти самарадорлигини оширишда марказий ва маҳаллий кенгашларимизда ташкил этилаётган турли тарғибот тадбирлари, лойиҳа ва форумлар муҳим аҳамият касб этади. Мазкур фаолиятимизни кенг оммага тарғиб қилишда эса оммавий ахборот воситаларининг ўрни ва роли жуда муҳим. Шу боис оммавий ахборот воситалари билан ўзаро ҳамкорликни мустаҳкамлаш,

улар билан иш олиб боришни тўғри йўлга қўйиш, ОАВнинг имкониятларидан унумли фойдаланишга алоҳида эътибор қаратишимиз даркор. Боиси, ЎзМТДП имиджини янада мустаҳкамлаш, тарафдорларимиз ва маслақдошларимиз сафини кенгайтиришда тарғибот-ташвиқот ишлари жуда муҳим ҳисобланади.

Таъкидлаш жоизки, бугунги кунда ЎзМТДП дастурий мақсад ва вазифаларини, миллий тикланиш гоёси ва мафқурасини кенг тарғиб-ташвиқ қилиш, барча даражадаги партия ташкилотлари ва депутатлик бирлашмалари фаолиятини оммавий ахборот воситаларида ёритиш юзасидан партияимиз тизимида маълум тажриба шаклланди.

3-бет

Ҳуқуқий эксперимент

Мустақил тараққиёт йилларида юртимизда ахборот соҳасини эркинлаштириш масаласига алоҳида эътибор қаратиб келинмоқда. Президентимиз Олий Мажлиси палаталарининг қўшма мажлисида тақдим этган «Мамлакатимизда демократик ислохотларни янада чуқурлаштириш ва фуқаролик жамиятини ривожлантириш Концепцияси»да "Маълумки, фуқароларнинг ахборот соҳасидаги ҳуқуқ ва эркинликларини таъминлаш масаласи инсоннинг ахборот олиш, ахборотини ва ўз шахсий фикрини тарқатиш ҳуқуқи ва эркинлигини ўзида мужассам этган бўлиб, бу Ўзбекистонда демократик жамият асосларини барпо этишнинг муҳим шартини, таъбир жоиз бўлса, тамал тоши ҳисобланади", дея таъкидлаб ўтанди.


Янги қонун лойиҳаси

халқ таълими бошқармаси фаолиятида ҳам синовдан ўтказилмоқда

4-бет

"Milliy tiklanish" газетасига обуна бўлинг!

Нашр кўрсаткичи — 158



БУХОРО НЕФТНИ ҚАЙТА ИШЛАШ ЗАВОДИ ЖАМОАСИ



*Юртимизнинг барча илм-маърифат
фидойиларини, жонкуяр ҳамда
заҳматкаш устоз-мураббийларни*

1 ОКТАБРЬ – ЎҚИТУВЧИ ВА МУРАББИЙЛАР КУНИ

билан муборакбод этади.

*Фарзандларимизни маънан етук,
кучли, билимли ва ватанпарвар
инсонлар этиб тарбиялашдек
машаққатли ва шарафли
меҳнатингизга улкан омадлар
тилаб қолади.*



БАЙРАМИНГИЗ МУБОРАК БЎЛСИН!

ТИББИЙ МАСЛАҲАТ

Кузнинг шифобахш тухфаси

Ёнғоқнинг турган битгани “хазина” дейишади. Унинг сўлим соя-салқинидан тортиб, тўйимли ва шифобахш магзига, метин ёғочидан баргигача фойдалидир. Ёнғоқнинг таркибиде ёғ, 21% оқил, 7% атрофида углеводлар, кўп миқдорда витамин С, В, В1 ва каротин моддалари мавжуд.

Бундан ташқари, ёнғоқ магзида минерал тузлар ва микроэлементлар ҳам бор. Кўк қобиғида 25%, баргида 12% танид моддаси ҳамда 0,1 фоизгача эфир мойи сақланади. Халқ табибатида ёнғоқ кўпдан кўп касалликларга даво сифатида қўлланилади. Ёнғоқнинг хомлигидаги қобиқ шираси экзема, дерматоз каби тери касалликларини даволашда ишлатилади. Абу Али ибн Сино ёнғоқнинг барг ширасини илик ҳолда кулоқ ичи йиринглаганда томизишни буюрган. Ёнғоқнинг магзи эндигина сут йиққан пайтида жуда фойдали бўлади. Бу даврга келиб, унда витаминлар ҳам кўпаяди. Ревматизм, рахит ва тери касалликларида ёнғоқ баргларида тайёрланган қайноқ ванна жуда фойдалидир. Ёнғоқ баргларида ажойиб хусусиятларидан яна бири - ўзидан ҳашорат ва қуяларга қирон келтирувчи захарли ис чиқаради. Шунинг унутмангки, ёнғоқ фольи кислотаси ва кальций манбаи ҳисобланади. Агар кунига иккита ёнғоқ истеъмол қилинса, хотирани анча яхшилади. Қолаверса, иммунитетни мустаҳкамлаб, хужайраларни ёт унсурлардан ҳимоя қилади.



БИЛАСИЗМИ?

Жаҳонга машҳур «Битлз» гуруҳи 1967 йилга келиб стадион ва катта сахналарда концерт беришдан бош тортади. Бунга сабаб концерт пайтида бўладиган шовқин-сурон ижрога ҳалақат бериб, жонли ижро учун имконият қолдирмаган эди. Шундан сўнг улар грампластинка ва фильмларга қўшиқ ёза бошлади.

Рихард Вагнернинг «Нибелунг узуги» опералар туркуми илк бор 4 кеча давомида 15 соатдан кўпроқ ижро этилган. Бастакор ушбу ижод намунасини яратиш учун 25 йиллик умрини сарфлаган.

ТУРФА ОЛАМ

Оилавий автомобиль

**ГОЛЛАНДИЯЛИК МУХАНДИСЛАР КЎЁШ
БАТАРЕЯЛАРИДА ЮРАДИГАН ИЛК ОИЛАВИЙ
АВТОМОБИЛНИ ЯСАШГА МУВАФФАҚ БЎЛИШДИ.**

Манбада келтирилишича, автомобиль 675 километр масофани бемалол босиб ўта олади. Қизиғи, машина ўзига керакли бўлган манбани икки баравар кўпроқ ишлаб чиқариш хусусиятига эга. Автомобиль дизайни ўзининг антикалиги, салони



эса катта оилалар учун мўлжалланганлиги билан ажралиб туради. Stella номини олган ушбу машина кўёш нурларидан қувват олиш учун ортиқча вақт сарфлаб ўтирмайди. У йўл-йўлакай қувват олаверади. Қолаверса, машина тежамкорлиги боис ўзидаги қувватни захирага олиб қўяди. Оилавий автомобиль корпуси ўта энгил материаллар - алюмин ва углевод толасидан ишланган. Шунинг учунми, автомобиль 380 килограмм тош босади. Бу ҳозирда мавжуд электр автомобилларидан 1120 килограмм энгил дегандир. Кўёш батареялари автомобилнинг юқори қисмига ўрнатилган. Ишланма муаллифларининг айтишича, яқин орада ушбу маҳсулотга қўшимча равишда янги функциялар ҳам қўшилади.

Ўта мустаҳкам ва чидамли

**ГИННЕСНИНГ РЕКОРДЛАР КИТОБИДАН ЖОЙ ОЛГАН
ТЕЛЕФОНЛАР СОТУВИ ЙЎЛГА ҚЎЙИЛДИ.**

Gresso extreme X3 ҳамда X5 телефонлари ўта мустаҳкамлиги ва сув остида ишлай олиши билан ажралиб туради. Бундай телефонлар экстремал ҳолатларда ишловчилар учун мўлжалланган. Gresso extreme X3 телефони 24 соат давомида сув остида ишлай олишидан ташқари, 1 тонна юкни кўтара олиш хусусиятига эга. Ҳатто, уни 7 метр балангликдан ташлаб юборсангиз ҳам ҳеч нарса бўлмагандек ишлашда давом этаверади. Телефон корпуси ўта мустаҳкам пластмасадан ясалган. Қолаверса, телефон Adobe Systems дастурига эга бўлиб, фотошопда ишлаш имконини беради. Энди ушбу дастур ёрдамида ёйилиб кетган сифатсиз расмларни санокли сонияларда созлаш мумкин.



Зафар МУҲАММАД тайёрлади

Ўзбекистон «Миллий тикланиш» демократик партияси Сирдарё вилоят Кенгаши Ижроия Қўмитаси партия Гулистон туман Кенгаши Ижроия Қўмитаси раиси Ҳафиза Юлчиевага акаси

Камол УБАЙДУЛЛАЕВнинг

вафот этганилиги муносабати билан чуқур таъзия билдиради.